

Bahan asal dari Arkib

Negara Malaysia

BERITA HARIAN, SELASA, 28 JULAI, 1981

Harapan Datuk Harun— diampun cerah, kata Haji Suhaimi

KUALA LUMPUR, Isnin—Ketua Pergerakan Pemuda UMNO Malaysia, Datuk Haji Suhaimi bin Datuk Kamaruddin berkata harapan Datuk Harun Haji Idris diampun cerah berikutan perbincangan dengan Datuk Seri Dr. Mahathir Mohamad petang ini.

Beliau berkata Datuk Seri Dr. Mahathir menerima keputusan Pemuda UMNO supaya Datuk Harun dibenarkan memegang jawatan Naib Presiden dengan senyuman menggalakan.

"Datuk Seri Dr. Mahathir memberitahu soal pengampunan Datuk Harun terserah

kepada Lembaga Pengampunan," kata Datuk Haji Suhaimi kepada pemberita di luar bangunan Jabatan Perdana Menteri.

Datuk Haji Suhaimi mengetuai rombongan Exco Pemuda UMNO Malaysia bagi mengujung hormat Datuk Seri Dr. Mahathir selaku Presiden UMNO dan juga Perdana Menteri.

Pertemuan tersebut diadakan kira-kira sejam.

Menurut Datuk Haji Suhaimi lagi, perkara pengampunan Datuk Harun itu dibawa atas kemahuan Exco Pemuda UMNO yang bermesyuarat pagi ini.